



# suatea

SINDICATU UNITARIU Y AUTÓNOMU DE TRABAYADORES DE LA ENSEÑANZA D'ASTURIES - C.I.F.: G33 027632  
c/ Telesforo Cuevas 2, 1ª A dcha. - 33005 - Uviéu. Tfnu. 985 274 343. Fax. 985 236 464.  
E-mail: [suatea@suatea.org](mailto:suatea@suatea.org) Web: [www.suatea.org](http://www.suatea.org)

---

## TIEMPOS D'ESPERANZA PAL ASTURIANU

SUATEA valora mui positivamente la iniciativa del Partíu Popular de presentación d'una proposición non de llei pa la incorporación de la especialidá de Llingua Asturiana nel sistema educativu.

Dende esti sindicatu (**Siempre vindicamos**) la especialidá de Llingua, equí, en Madrid y en tolos llaos ónde tamos.

La realidá paez tornase necia:

-Hai agora un añu "El Conseyu Escolar del Estáu" (muérganu máximu de representación de la comunidá educativa del estáu español) aprobó, a instancies de SUATEA la creación de la especialidá de Llingua Asturiana y Gallego-Asturiano,

-Organismos europeos solicitaron mayor proteición pa esta llingua;

-La Universidá apostó colos cursos d'espertos y especialistas; agora cola especialidá dientro de los planes d'estudiu;

Y a pesar d'esto, el profesoráu atópase con que nun ta reconocida la so especialidá nos cuerpos docentes al mesmu nivel y colos mesmos efeutos llegalos y llaborales que les demás especialidaes.

Pa memories fráxiles queremos recordar qu'en Madrid esti tipu de vindicaciones foi munches vegaes en solitario y que sindicatos con representación nel ámbitu asturianu, ellí votaron a la escontra. Agora que ye'l momentu de xuntar fuerces, esperamos que nel Conseyu Escolar del Estáu que se celebrará nel mes que vien, nun nos atopemos con esta situación y tolos sindicatos con representación en Madrid nos apoyen y voten a favor en too aquello qu'afite y meyore la situación de la Llingua Asturiana y Gallego-Asturiano.

El Gobiernu asturianu tien base abonda pa crear la Especialidá; como lo demuestra l'informe xurídicu de Leopoldo Tolivar y amás la Llingua Asturiana y el Gallego-Asturiano ye la única llingua que siendo área curricular, nun tien especialidá.

Les places d'Asturiano y Gallego-Asturiano teníen que pasar a formar parte de la plantiya orgánica y ser vacantes col estatus de places de plenu derechu a tolos efeutos. **Trátase d'un pasu fundamental pa garantizar y dignificar la presencia de la nuestra llingua nel sistema educativu asturianu.** SUATEA foi l'únicu sindicatu qu'entrugó que diba asoceder coles places de Llingua Asturiana y Gallego-Asturiano, cuando l'Alministración presentó la plantiya orgánica pal cursu 2008-2009. Pero asina y too nun entraron en plantiya orgánica.

Pa más "inri", esta selmana nun conceyu de la Conseyería d'Educación cola Xunta de Personal, SUATEA pidió qu'entraran les places de la especialidá de Llingua Asturiana y de Gallego-Asturiano dientro del Ámbitu Sociollingüísticu, ya que los ámbitos nun tienen especialidá propiamente dicha y puen pidir los profesores d'Enseñanza Secundaria que tean Filosofía, Llingua Castellana y Lliteratura Llatín, Francés, Griegu, Xeografía e Historia ya Inglés, pero los de Llingua Asturiana y de Gallego-Asturiano nun puen. Ante la nuesa propuesta FETE-UXT manifestóse con decisión a la escontra. Onde dicen "A" faen "B".

**En SUATEA** paeznos que la ufierta del grupu parlamentariu del PP ye una mano tendida a la memoria histórica del los grupos de la Xunta Xeneral. Toos, nun momentu o otru caltuvieron postures asemeyaes a lo que propón agora'l PP. Esperamos que la coherencia tea per enriba de les rivalidaes polítiques, y qu'aquellos que teóricamente nos representen lo faigan de verdá aprobando la proposición non de llei sobre la Llingua Asturiana y el Gallego-Asturiano.